

## Tertuliano orojakileari jarriak

### I

Alde bat utziz programazio  
ta telebistaren maila  
aipatu nahi dut azkenaldian  
ugaritu zaigun saila.  
Batzuk azala deitzen diote,  
beste batzuek matraila...  
Tertuliano orojakilez  
bete digute pantaila.  
Zenbaitentzako ogia lortzen  
gaur egun ez dago zaila!



MADDI SOROA

### IV

Eta autoan, irriariaren  
menpean jartzen bagara  
a ze sorpresa! Telebistako  
jende beraren turrada.  
Beraz antena bat utzi eta  
berriro uhinetara.  
Kontu berberak han botatzeko  
gogoia ere behar da ba!  
Non eta zertan ez du axola...  
kontua irtetea da.

### II

Antenan diren segundoetan  
banatzen da boterea:  
mingaina zorrotz izan behar da,  
hitz jarria trebea  
bost xentimoko arrazoiekin  
engainatzeko jendea.  
Konklusioa ezaguna da  
(nahiz zita ez den nerea):  
nork altuago hark arrazoa...  
arraindegiko legea!

### V

Arrazoi puskak banatzen dira  
hitz populisten neurritan  
inora heltzen ez den ezbaian  
segi tira eta bira...  
Ta aurkezleak, sarritan sartuz  
eztabaidaren erdira  
interes tantak isurtzen utziz  
(nahiz ez etorri harira)...  
Kazetaritzan ari direla  
sinestera heltzen dira.

### III

Politikari erretiratu  
ta bazterreratuena  
dugu agian espezieko  
pizirik ugariena.  
Epaile edo auto-saltzaile...  
hemen onartzen da dena.  
Zer da gauetik goizera kolpez  
aditu bihurtzen dena?  
Izenpean zer jarri pentsatzen  
dute lanik handiena.

### VI

Berez berria ere ez dena  
bihurtzen da eskandalo  
elkartuz gero hitzetan haina  
lastodun lau txorimalo.  
Batzutan norbait izanagatik  
itsu-herriko tartalo  
hoiei ordaintzen ari badira  
*Kalaka* eta *Pásalo*  
berriro ere egingo dute  
gure kontura jan da lo!